



Broj: 05/8-50-14-841-3/21

Sarajevo, 31. 5. 2021.

Z A P I S N I K

3. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 27. 5. 2021, od 14.30 do 16.45 sati

Sjednici Komisije prisustvovali su članovi: Nikola Špirić, Bariša Čolak, Halid Genjac, Amir Fazlić, Amina Hadžibegić-Bicciato, Darko Radić i Ivan Ćubela.

Sa sjednice su opravdano odsustvovali Borjana Krišto i Nenad Stevandić.

Sjednici su prisustvovali i Gordana Živković, sekretarka Doma naroda PSBiH, Svetlana Miovčić, šefica Kabineta drugog zamjenika predsjedavajućeg Doma naroda, Niko Duvnjak, savjetnik u Kabinetu predsjedavajuće Predstavničkog doma, Vladana Savić i Ivana Lovrić, stručne savjetnice u Sektoru za druga parlamentarna tijela Sekretarijata Parlamentarne skupštine BiH, te Vlade Srdanović, sekretar Komisije.

Sjednici je prisustvovala i Lejla Hodžić, predstavница Udruženja „Transparency International“.

Sjednicom je predsjedavao Bariša Čolak, predsjedavajući Komisije.

Za sjednicu je predložen sljedeći:

DNEVNI RED

1. Usvajanje zapisnika konstituirajuće i 2. sjednice Komisije;
2. Razmatranje prijava pristiglih na Javni konkurs za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije.

Predloženi dnevni red usvojen je jednoglasno.

Ad. 1. Usvajanje zapisnika konstituirajuće i 2. sjednice Komisije

Zapisnik konstituirajuće sjednice Komisije usvojen je jednoglasno, bez primjedbi.

Zapisnik 2. sjednice Komisije usvojen je jednoglasno, bez primjedbi.

Ad. 2. Razmatranje prijava pristiglih na Javni konkurs za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije

Sekretar Komisije upoznao je članove Komisije da su u roku predviđenom za dostavljanje prijava na Javni konkurs zaprimljene 22 koverta. S obzirom na to da na nekim kovertama nisu navedena imena pošiljalaca, sekretar je predložio Komisiji da prvo otvori koverta na kojima nema imena i prezimena pošiljaoca kako bi se utvrdila konačna lista prijava.

Članovi Komisije su potom jednoglasno odlučili da će prvo otvoriti koverta na kojima nije navedeno ime i prezime pošiljaoca.

Prvo je otvorena koverta broj 9, po datumu zaprimanja, a utvrđeno je da je prijavu uputila Damirka Mioč, zatim koverta broj 15 - utvrđeno da je prijavu uputio Vladica Babić, potom koverta broj 19 - utvrđeno da je prijavu uputio Emir Mehmedović, a zatim koverta broj 20 - utvrđeno da je prijavu uputio Slađenko Čerkez.

Također, otvorena je i koverta pod brojem 21 - za koju se utvrdilo da je dopuna dokumentacije kandidata Dragana Brkovića, te koverta pod brojem 17 - za koju se utvrdilo da je dopuna dokumentacije kandidata Predraga Jovića.

Nakon što je Komisija razmotrila prijave pristigle na Javni konkurs za imenovanje direktora i dva zamjenika direktora, utvrđeno je da je 17 kandidata na Javni konkurs dostavilo pravovremenu i urednu dokumentaciju, te da ispunjavaju opće i posebne uslove Javnog konkursa.

Nakon rasprave, Komisija je jednoglasno odlučila:

- da se odbaci prijava kandidata Dragana Baševića kao neuredna zbog toga što nije dostavio dokaz o traženom radnom iskustvu od najmanje pet godina na rukovodećim poslovima nakon sticanja visokog obrazovanja koje se vrednuje s najmanje 240 ostvarenih ECTS bodova,
- da se odbaci prijava kandidata Srete Pekića kao neuredna zbog toga što kandidat nije dostavio izjave propisane Javnim konkursom koje su ovjerene kod nadležnog organa.

Komisija je potom zadužila sekretara Komisije da nakon što kandidati dostave Obrazac i Izjavu, u skladu s odredbom člana 10d. stav (6) Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), kako bi se uradila provjera predviđena članom 13. stav (1) Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09 i 58/13) i članom 23.

Poslovnika o radu Komisije, dokumente kandidata uputi Državnoj agenciji za istrage i zaštitu i Centralnoj izbornoj komisiji BiH.

SEKRETAR KOMISIJE

Vlade Srdanović

PREDSJEDAVAJUĆI KOMISIJE

Bariša Čolak